
RAGAD ADVERTENTIE:

Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris;
(apes: f 1,25).
Moendoet kapatjak langkoeng saking sa-
pisan, oetawi moendoet dados lengganan,
tepang rembag roemijin kalijan admini-
stratie.

Hoofdredacteur:

D. M. HARDJASOEWANDA

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

Medal saben dinten Djoemoewah.

REGIPIOEN LENGKANAN

SWARA TAMA

sampoen kalijan regining Soera Katholiek:

1 taoen f 7,50 } njoewoen kabajar
1/2 f 3,75 } roemijin.

Adresipoen Redactie lan Administratie:

XAVERIUS-COLLEGE

MOENTILAN N.I.S.

Drukkerij „Canisius” Djokja.

ISINIPOEN:

Poetoesan P. P. K. D. — Arta
nagari — Sesorah Harjadi — Sa-
king Onderwijsraad — Katoela-
toela — Kalibawang — Karoekoan
Moentilan — Badé dados enz. . . .
— Film Tjina — Blakan-blakan —
— Film alit-alitan — Ontjèn —
Oerap-sari — Panoentoening laré
— Correspondentie.

PRADJA RAHAJOE.

ARTA - NAGARI ING INDIJA.

Kala Raad Kawoela djangkep
oemoer sadasa taoen, Generale
Thesaurie-nipoen departement Fi-
nanciën ing Indija, angomoemaken
tjatan kalempaking arta Nagari,
sadangoenipoen wonten Raad Ka-
woela.

Manawi kapatitisaken, ing tjatan
ngrikoe tjang ladjeng saged amilah
wekdal kalih i.p. taoen 1919—1923,
kalijan 1924—1928. Toemrap sadaja
oeroesan, ing taoen '19—'23 waoe
pinanggi toena (tekort) goenggoeng
wonten 905 mlijoen roepijah. Déné
salebetipoen '24—'28 angsal tirahan
total djéndral 125 joeta. Déné toer-
mrapp (gewone) dienst limrah, sale-
betipoen gangsal taoen ingkang
kawitan waoe, pinanggi toena 333
mlijoen; ing salebetipoen gangsal
taoen ingkang akhir saged angsal
tirahan 343 mlijoen. Toemrap (but-
tengewone) dienst mroenggan, ing
salebetipoen wekdal anggesal ta-
oen waoe, toeni 572 kalijan 218 mli-
joen.

Sabakdaning perang donja, won-
ten kalamangsa economienipoen
pradja ngriki katingal ndedel sawe-
tawis dangoe. Ingkang makaten
waoe kasebabaken margi indaking
pamedalipoen Nagari. Kala taoen
1919 landsmiddelen¹⁾ wonten 472
joeta, taoen 1921 mindak dados 722
mlijoen roepijah. Anggènipoen dados
samanten poenika, sapérangan a-
geng margi angwontenaken paos
énggal kados déné suiker belasting,
angindakaken paos mlebeting da-
ngangan, angéwahi dadasaring paos
pamedal lss. Kadjawi poenika oegi
margi pamedaling pakarjan Nagari
(kados déné: sepoer, pos, pala-
boehan lss.) ingkang salebetipoen
taoen 1919 doemoegi 1921 saged
mindak, waoenipoen 86 ladjeng
dados 126 joeta roepijah.

Sanadjan katah mindakipoen, me-
dalipoen inggih katah. Medaling
arta kanggé balé grijaning Nagari,
kala taoen 1921 kalebet katah pi-
jambak. Salebetipoen taoen 1919—
'21 waoe, gewone uitgaven minggah
apesipoen 60% i.p. waoenipoen
526 dados 830 mlijoen. Poenika
dèrèng medaling arta kanggé ande-
tengaken wos l.s.s. Dados ing
salebetipoen tigan taoen waoe,
pamedaling Nagari mindak 80%
nanging medaling mindak 60%.
Menggah sababipoen gewone uit-
gaven mindak, margi kala samanten
awis teda, andjalari Nagari ladjeng
ngindaki balandjanipoen prijantoe.
Kadjawi poenika oegi margi kanggé
ambajar oetawi anganaki samboetan.
Kala taoen '19, arta medal kanggé
preloening samboetan wonten 21
joeta, let kalih taoen dados 72 joeta
roepijah.

Katjarjos ing taoen '21 waoe
buitengewone uitgaven inggih ka-
lebet inggil pijambak, i.p. 189 mli-
joen, mangka kala taoen '19 namoeng
oedakawis dawah palih: 90 mlijoen.
Pakarjan-pakarjan Nagari inggih
andjalari katahing wedalipoen arta.
Djer kala samanten padagangan
sarta palajaran madjeng sanget.
Mila Nagari ladjeng énggal-énggal
angindakaken margi sepoer, an-
djembarken palaboehan.

Bakda taoen '21 ngantjik djaman
irid alijas djaman malaise, dangoe-
nipoen doemoegi taoen 1925. Margi
wontening malaise waoe kawontena-

ning economie dados saé, sarta
ladjeng soeka pitoetoer bilih we-
daling arta-Nagari pantjèn kedah
irid.

Taoen '21 doemoegi '23 gewone
uitgave ingkang kala tn. '21: 830
joeta, saged soeda dados 646 mli-
joen. Déné buitengewone uitgaven
oegi saged soeda boten kirang sa-
king 125 joeta. Soedaning buiten-
gewone uitgave poenika ingkang
katah angèngingi jajasan pakarjan
Nagari; oepami S. S. ingkang kala
taoen '21 ngedalaken artanipoen
Nagari 93 joeta, taoen '23 namoeng
ngelongi kasipoen Nagari 20 joeta.

Taoen 1924 doemoegi taoen '28,
kawontenaning arta Nagari lang-
koeng andemenakaken tinimbang
taoen '19—'23. Ing wekdal gangsal
taoen ingkang andemenakaken poe-
nika, kasipoen Nagari dipoenisèni
katah sanget déning papadjenganing
woeloewedaling siti ngriki, i.p.
langkoeng 170 joeta roepijah tinim-
bang wekdal gangsal taoen ingkang
memelas waoe. Kadjawi karèt, ing-
kang oeroen katah: papadjengan
timah, wonten 127 mlijoen. Kala
taoen '27 papadjengan timah kalebet
ondjo pijambak katimbang taoen
sanèsipoen, i.p. 75 mlijoen. Nanging
margi mloring regi, ing taoen '28
papadjengan timah boten langkoeng
saking 53 joeta.

Indaking pamedalipoen pakarjan
Nagari kados déné sepoer, P. T. T.
(post, tilgram, tilpon), inggih a-
ngindakaken isining kas Nagari.

Pamedal saking paos, boten
sanget-sanget anggènipoen boten
njenengaken, manawi katanding ka-
lijan wekdal '19—'23, margi sa-
mangké (tn. '24—'28) ratjak pikan-
toek 345 joeta ing dalem sataoen.

Pamedal saking invoerrechten²⁾
uitvoerrecht³⁾ sarta accijnzen⁴⁾
oegi tansah andedel; salebetipoen
tn. '23—'28 saged njoekani soem-
bang soeroeng kasing Nagari 47%
oetawi 175 joeta roepijah. Kala ta-
oen '25 Nagari ngwontenaken sta-
tistiekerecht. Poenika inggih saged
mewahi bandanipoen Nagari, won-
ten: 16 joetan roepijah (wiwit tn.
'25—'28). Kadjawi poenika éwah-
éwahan zegelordonantie⁵⁾ kala
taoen '21, verponding lss. oegi
anglemakaken kasipoen Indija.

Salebetipoen taoen '24—'28
goenggoeng kempaling landsmidde-
len jèn katanding kalijan salebet-
ipoen djaman gangsal taoen ka-
pengker, mindak dados 590 mlijoen.
Oegi ing salebetipoen taoen '24—'28
poenika, Nagari saged ngirit gewone
uitgaven katahipoen 90 joeta.

Déné buitengewone uitgaven ing
taoen '24—'28 waoe inggih boten
patosa katah, awit ratjak namoeng
45 mlijoen; mangka kala taoen
'19—'23 buitengewone uitgaven ra-
tjak 115 mlijoen ing dalem setaoen.
(De Tijd).

Sesorah Harjadi.

Sesorahipoen sdr. F. Harjadi ing
parepatan P. P. K. D. 12 Mei 1929,
wonten ing speelloods Broederan
D. K. prakawis „Kamardikaning aga-
mi”, kirang langkoeng kados ngan-
dap poenika:

Ngajodja poenika kénging kawas-
tanan centruming kaoem katholiek,
oepamia Ngajodja poenika boten
wonten ing Ngajodja, nanging oe-
pami ing Magelang, poenika badé
gampil pamilihing bab sesorah; na-
nging bab poenika saja dangoe ma-
lah saja kaleresan poen pamilih
waoe, malah tjendoek kalijan be-
tahing sdr. Ngajodja i.p. Kamardi-
kaning Agami.

Menggah wewenanging tjang
nglampahi agami, poenika negari
boten ngawisi babar pisan, angger
boten ngrisak tata-tentreming pa-
ngreh pradja. Negari sampoeng na-
wontenaken oendang-oendang pra-
natan bab panindaking agami, i.p.

²⁾ Perbéjaning nglebetaken barang mri-
ki.

³⁾ „ ngedalaken „ sa-
king ngriki.

⁴⁾ Paosing barang-barang saantéro te-
tedan.

⁵⁾ Regining prangko.

kaseboet 173 doemoegi no. 178 I.S.
Pranatan no. 173 I.S. njebakaken,
bilih saban tjang kénging nganggé
agami sakadjengipoen, waton boten
neradjang wetting katentremen. Ing
ngriki pamaréntah nganggep sadaja
agami sami aosipoen, boten mbé-
dakaken agami ingkang sanjata toe-
win agama-agaman. Gandèngipoen
kalijan bab poenika sekolahan-se-
kolahan ingkang angsal subsidie
saking pamaréntah inggih warni-
warni, boten mawang dateng agami
poenapa kémawon. Dados kanggé-
ning tjang sepoehipoen laré saged
manasoeka pamilihipoen, seneng
Nétral inggih kalebetaken dateng
Nétral, seneng Bibel inggih kale-
betaken dateng Bibel, seneng ka-
tholiek inggih kalebetaken ing pa-
moelangan Katholiek etc.

Menggah ing tanah kita ngriki
bab wewenanging agami (manoet
I.S. no. 173 doemoegi no. 178) na-
ma ageng sanget, awit ing tanah
kita ngriki, kita a. wenang milih aga-
mi sapoeroenipoen.

b. wenang nglampahi
cepatjaraning aga-
mi kados adat.

c. wenang mentjar-
aken ing sanès, ma-
nawi angsal idin.

d. wenang ngawon-
tenaken pakempal-
an ngrembag be-
tahing agami.

Bab wewenang ingkang samanten
agengipoen poenika kedah kita akeni,
awit ing wekdal sapoenika oegi
wonten negari ingkang boten ma-
ringi wewenang babar-pisan dateng
tjangan siti nglampahi agami, oepami
ing Mexico, tetjangan pribomi ka-
tholiek sanget anggènipoen dipoen-
koeja-koeja, margi anggènipoen ne-
tapi wadjibing agami. Ing tanah We-
landi djaman roemijin tetjangan ing-
kang mlebet ing grédja poenika ke-
dah mbajar prabéja.

Djalaran saking poenika waoe,
kita kedah ndjagi sampoeng ngantos
wewenang kita mengeret, jèn sa-
ged malah kaoedi saja mindaka.

Menggah ingkang ndjagi wewe-
nang poenika sinten?

Kita boten kénging masrahaken
poenika waoe dateng para Rama
Pastoor, awit ingkang anggadahi
wewenang poenika boten ngemoeng-
aken Rama Pastoor, nanging inggih
koela sadaja. Pramila koela sadaja
ingkang wadjib ndjagi lestantoen-
ing wewenang.

Kados-poendi rékanipoen ndjagi
lestaring wewenang? Rékanipoen
ndjagi lestantoening wewenang poe-
nika, kedah anglahiraken sarana-sa-
rana ingkang djedjeripoen ngrembag
bab poenika. Sarèhning ngrembag
wewenang poenika gandèng kalijan
bab politiek, mila srana lahir ing-
kang tjespleng pijambak inggih poe-
nika nglempek dados satoenggal
wonten ing pakempalan politiek ki-
ta, i.p. P. P. K. D. Ing ngrikoe ke-
kijatan kita saged nglempek dados
satoenggal, gampil nanggoelangi ba-
baja-babaja ingkang saking djawi.

Koela atoeri éngget sadèrèk, meng-
sah kita saja ngangsek panempoehi-
poen, milanipoen kita kedah saja
kekah pandjagining bètèng kita, lan
kedah saja waspada ing pakèwed.

Kadjawi poenika taksih wonten
malih srana kanggé ndjagi wewe-
nang kita, i.p. srana kebatosan (sem-
bahjeng), nanging boten koela an-
daraken ing ngriki.

I.S. no. 174 anjebakaken bilih te-
tjangan kénging ngawontenaken pa-
kempalan kanggé ngrembag oepa-
tjaraning agami, wonten ing papan
ingkang katoetoep, toer sok tjanga
kénging nnggani, djangdji boten
damel resah.

Djalaran saking poenika, mesdjid,
klentèng, grédja, saantèronipoen, ka-
sedijakaken kanggé tetjangan sadaja,
waton boten ngrisak tata-tentrem.

I.S. no. 177 njebakaken sok tjanga
kénging mentjaraken agami, nanging
kedah angsal idin saking pandje-
nanganipoen Gouv. Gener. oetawi
saking ing sanès, ingkang sampoeng
angsal pangowas. Bokmanawi

Poetoesan P. P. K. D.

Pangreh Ageng P. P. K. D. won-
ten ing parepatanipoen kala tangg.
12 Mei 1929 manggèn ing Langenar-
djan Ngajodja.

Maos:
serat saking tjab. Banjoemas dd.
14-4-'29, ingkang soeraosipoen bo-
ten ngakeni communiqué saking
P. A. dd. 5-3-'29. lan boten poe-
roen njaboet ma'loematipoen dd. 2
September 1928,

Njoemerepi:
menawi tjab. Banjoemas nggadahi
tindak malih, ingkang soelaja ka-
lijan prenataling pakempalan, mar-
gi nradjang art. 26. Huish. Reglm.,
ngGetoeni:

déné prekawis, ingkang pantjènipoen
namoeng dados rembagipoen P. A.
kalijan tjabang (huishoudelijke aan-
gelegenheid), boten kapatjak ing

wonten ingkang pitakèn, poenapaa
ing Sibolga boten kénging kara-
woehan Rama Pastoor, ingkang ba-
dé mentjaraken?

Tanah Sibolga ing Bataklandèn
menggahing sapoenikanipoen teti-
jang ing ngrikoe katah ingkang sam-
poen ngrasoe agami Protèstan;
mangka badé karawoehan Rama Pas-
toor ingkang oegi amentjaraken aga-
mi, gek ing tembé wingkingipoen
kantja Protèstan kawon desoekipoen,
ing ngrikoe tamtoenipoen ladjeng
andadosaken kirang trimahing sdr.
Protèstan, wasana kénging dados
embèn wingking ngawontenaken
..... mila inggih dipoen awisi.

Kados déné ing Bali oegi meka-
ten, Rama Pastoor kaawisan men-
tjaraken agami ing ngrikoe, kakoe-
watosaken déning paréntah bab bi-
lih ing tembé wingking wonten re-
resah.

Bab mekaten poenika waoe sa-
king pamanggihing pamedar sabda,
namoeng pangoda raosipoen ngri-
ka, jèn kanggènipoen ngriki poegoh
boten badé wonten poenapa-poena-
pa. Tandaniipoen ing tanah Djawi
ngriki kok inggih ajem kémawon,
boten ngrisak katentremen babar
pisan.

Prekawis mentjaraken agami,
kanggèning Rama Pastoor, goeroe
agami, poenika kedah angsal idin
saking G.G. Sapoenika menawi kang-
gé sdr. Islam, kjai-kjai oetawi sa-
nèsipoen, poenika tjekap namoeng
soeka kabar dateng pangageng; poe-
napa malih teosopi, abritan, oegi
tanpa idin. Bok poenika boten di-
poen bédak-bédakaken mekaten,
awit manawi kita nitik sadaja hak
ing wewenang sami kémawon, da-
dos ambédakaken inggih oegi di-
poensingkir.

Menggah ingkang dados ngesing
atoer nginggil poenika namoeng mi-
nangka ngantjangan antjangan, sapoe-
nika ladjeng moempatipoen wonten
ing ngriki. Kita kedah boten goe-
moen oetawi boten kèloe dateng
tindaking sanès, ingkang njidam ka-
mardikan. Awit kamardikan ingkang
kaoedi waoe dèrèng kinanten ma-
nawi saged njempoeloeraken hak-
ing wewenang kita bab agami. Sa-
nadjan oepaminipoen dipoensagaha-
na pisan: „Soek nèk olèh kowé
dak sagochi wewenang sing akèh
banget,” kasagahan poenika tamtoe
namoeng lamis, boten badé medal
wohipoen, awit tjeta sanget bilih
boten noenggil toedjoe kalijan kita.

Mila sadèrèk P.P.K.D. koela atoeri
ngatos-atos, sampoeng ngantos kè-
loe ing memanising lijn. Koela atoeri
menggali ing samateng-mateng-
ipoen kalijan pamong kita hoofd-
bestuur P.P.K.D. — (Keplok!)

L. Jadiran.

KOELA ATOERI MAOS ADVERTENTIE KITA.

koran kita pijambak, nanging malah
ngantos kawedal ing koran-koran
sanès, ingkang babar pisan boten
magepokan kalijan prekawis poenika,
Ngroemaosi:

bilih boten wonten sebab-sebabipoen
ingkang goematok kanggé ngéwahi
poetoesaning P. A. ing bab tradjangan-
ipoen tjab. Banjoemas anggènipoen
ngedalaken ma'loemat dd. 2 Sep-
tember 1928, kados ingkang kawrat
ing communiqué dd. 5-3-'29 ing
S. K.,

Moetoes:
1. medot gandèngipoen P. A. ka-
lijan tjab. Banjoemas, sadangoeni-
poen tjabang waoe dèrèng njaboet
ma'loematipoen, kados panedani-
poen P. A.

2. ngintoenaken toeroenanipoen
poetoesan poenika dateng sadaja
tjabang-tjabang saha dateng Sw.
Tm. lan S. K.

MOEDA POEROEHITA.

Saking Bureau Onderwijsraad.
Saking Bureau Onderwijsraad kita
Redactie Sw. T. tampi serat, soepa-
dos amatjak pakrawis ing ngandap
poenika.

COMMUNIQUÉ.

Onderwijsraad.
Kala tanggal 7, 8, lan 10 Mei, on-
derwijsraad parepatan, warganipoen
andantengi sadaja.

Ingkang karembag:
Pambangoening (reorganisatie).
Kweekschool toemrap goeroe èstri
Pribomi, sarta Frèbelkweekschool
Bandoeng;

Astagina (handenarbeid) wonten
sakolahan andap Kilénan (Westersch
Lager Onderwijs; . . . toewin:
Pandapoeking bibliotheek kanggé
moerid-moerid.

Babagan rembag ingkang nomer
satoenggal, parepatan najogani kin-
derhof-gedachte ingkang sampoeng
keroe dipoadjengaken déning toe-
wan Toot. Para goeroenipoen kedah
wedalan Frèbelkweekschool, ingkang
sasampoenipoen sakolah kawan ta-
oen, saged moelang wonten kinderhof
sa-voorklas-ipoen. Déné tataran
nginggil kalih taonan, andedalaken
goeroe ingkang sampoerna kasaged-
anipoen toemrap kiderhof, sarta da-
dos kapalanipoen kinderhof. (Leer-
krachten dienen abituriënten eener
Frèbelkweekschool te zijn, die na
een 4-jarige opleiding tot en met
de tegenwoordige voorklas kunnen
lesgeven. Een tweejarige bovenbouw
leidt dan op tot volledig bevoegde
leerkracht en hoofd van den kinder-
hof.)

Sadèrèngipoen tataran nginggil
kalih taonan poenika wonten, pi-
woelang ing voorklas, kedah manoet
tjaranipoen Frèbelkweekschool èstri
ing Salatiga, mligi kanggé laré èstri
ingkang tjalon dados goeroe wonten
H. I. S. sarta manawi perloe oegi
dados goeroe wonten sakolahan-sa-
kolahan vervolg èstri. Leerplan-ing
kweekschool poenika, kedah ngèntèti
sanget pangadjabing panggoela-wen-
tah ingkang saé toemrap laré èstri.

Ing parepatan ngrikoe amastani
bilih sakolahan ingkang mateok pi-
jambak kanggé ngipoek tjalon goeroe
èstri meisesvervolgsscholen, poenika
normaalschool.

Prakawis astagina, pangrembagi-
poen boten ngantos boetoel. Pare-
patan amahan prajogi kasinaoea ké-
mawon roemijin.

Babagan bibliotheek kanggé moe-
rid-moerid, parepatan moetoes: bo-
ten perloe ngwontenaken centrali-
satie kanggé wedaling boekoe. Ka-
prajogèkaken soepados saben school-
commissie wonten tjangipoen ing-
kang tinanggenah ngawat-awati
sampoeng ngantos ing bibliotheek
kalebetan boekoe awon. Sarta, moegi
Departement anjoekanana boekoe
saé-saé ingkang ngemot tjekakaning
isinipoen serat-serat sawatawis da-
teng sakolahan.

Ing parepatan poenika toewan J.
Toot gedelegeerd lid ngras secreta-
ris, pamitan perlop dateng Nederland.

(Warga comité mendet prijantoen saking golongan warni-warni.)

Makaten Kamas, reraosan ingkang koela pirem saking kalangan kalangan Katholiek ing Moentilan.

Déné koela pijambak boten saged narboekani. Djer temenipoen, prakawis poenika dados bebahanipoen comité. Kalih déné malih, atoe koela ing nginggil toemrapi sepipoen sampoen anjekapi.

Wasana, mangsi boronga! Kemoening-djadjar 18 Mèi 1929. Taklimipoen ingkang raji:

A. S. DWIDJASARAJA. (sepipoenipoen emban Sw. T. nomer kalih.)

KOEROE SÈTRA.

Badé dados warganing kempalan, kok nggega kadjengipoen pijambak! djaman-poenapa wonten?

(Karangan poenika boeboekanipoen tjekakaning sesorahipoen sad. Harjadi. Réhné sesorah, sanadjan boten sarowanipoen, sampoen kapatjak ing ngadjeng, mila boten sah dipoenkaping-kalihi. Panoe-toeping poenggelan: Anggering Nagari njoekani wewenang dateng agami Katholiek, sanadjan dèrèng nama katah, toer wewenang waoe saged soeda jèn boten sirna, menawi Pangereh kelampah gantos. Red.)

Pramila wiwiting sapoenika kita wadjib lan kedah andjagi wewenang samanten waoe, moerih sampoen ngantos soeda oetawi itjal. Déné srananipoen boten wonten sanès kadjawi namoeng ngempal-sa-sarengan njamboet-damel-madjeng sareng sahijeg!

Kerep kelampahan bilih laré-laré ingkang sesarengan adedolanan, oetawi tjang sepoe ingkang ngempal djagongan poenika, sami: tjongkrak oetawi padodon.

Makaten oegi kita, inggih makaten, boten bédà; mila wontenipoen ladjeng: mong-ingemong.

Sinten ingkang nedyang anggeboer dateng pakempalan oetawi pasrawoengan: kedah saged mekahawanipoen pijambak, awit bilih boten makaten, anggega manahipoen pijambak, boten predoei babing oemoem, poen pakempalan: boten dojan.

Pangemong waoe kénging koela samèkaken-brajat; tindakipoen prija lan wanita—saèmper tindaking pangrèh, sami pangrèh ingkang sami ngoedi kamadjenganing warganipoen—kados déné tjang sepoe dateng anak. Sadaja sami njamboet-damel sareng moerih sageda metik woh ingkang sami badé karasaken. Poen bapa lan bijoeng anggoelawentah anak moerih sageda ngadjengaken pakarjanipoen oetawi kénging dipoenaoebi ing tembé wingkingipoen; makaten oegi pakempalan

Mila boten samestinipoen jèn tjang kepéngin dados pangrèh, oetawi pangrèh poenika: namoeng pados nama, misoewoer—isp.; genah katah warga ingkang boten tjotjog, boten seneng poenika tjirjosipoen malah: ora seneng—metoe....? lo mbok inggih dipoentiti sababipoen poenapa....

Makaten oegi tjang kedah saged milah prakawis; milah-milah satoenggal lan satoenggalipoen.

Katah kémawon prijantoen ingkang medal saking pakempalan amargi boten seneng lan pangrèhipoen.

loooo... rak damel kapitoenaning pakempalan; manawi pandjenengan boten seneng, margi tindakipoen, kempalipoen kirang saé—mangga kasaèkaken...., boten anggega—? lah medala margi nginggilipoen pijambakipoen, prakawis boten seneng, sampoen katjampoer lan babing pakempalan, makaten poenika katah toenggilipoen, kadosta: voorstelipoen, boten katampi—medal, ngarang ing serat kabar, boten kapatjak—ladjeng ngawonawon, njepèlèkaken, njingkoer.... toer kapok... rak katah kémawon ta....?

„Sampoen limrah” inggih makaten poenika mila limrah, nanging poenapa oeger limrah poenika saé.? mangga ta kagalah, poenapa tindak makaten waoe: sampoen mapan: samininipoen: oetang ora olèh teka: ngoenèk-oenèkaké.” lo...?

Kadjawi makaten, kerep kémawon bilih pangrèh oegi toemindak makaten: kadosta: doemèh boten seneng lan tjangipoen, rembagipoen boten kapaèloe boten kagatosaken, doemèh tjangipoen bodo, dipoensapèlèkaken, rembag² dipoentilar, gadah voorstel inggih boten karembag, dipoenmingaken, ndak poenika nge-mong? ndak poenika sampoen samestinipoen? mangga ndak ingkang sami kataman boten mangkel—? Wonten satoenggal malih, i.p. kirang poeroen ngoerbanaken sarira: gebrek aan offervaardigheid.

Koela kerep kémawon soemerep pakempalan, pinoedjoe kempalan, oedreg anggenipoen: pilihan pangrèh.

Lo, kados-poendi ta, déné boten kersa? wontenipoen ngantos kepilih poenika rak pratanda: katrampilan ingkang sampoen ketingal, pratanda bilih pijambakipoen sampoen sami pitados, pretjaja!

Kapirsanana, poenika lo, betahing pakempalan taksih katah, bok inggih dipoenpitoeloengi....! „Ah boten saged” ingkang makaten poenika namoeng pandjenengan pijambak ingkang awewaton pangraos; nanging tjang-tjang waoe milih pandjenengan awewaton: kanjataan, awewaton: wedaring tindak pandjenengan.... Lah... poenapa wegah....? Wegah ngoerbanaken sarira? Samanten roemijin Cordèeka.

Film Tjina.

Bangsa 25 taonan sapriki ébah-ébahaning Chineesche intellectueelen bédà lan abad wingi²; katah ingkang nggadahi tjita².....journalist, poenika satoenggiling punt ingkang kedah kita tjatet, saking boekoe² wedalan Chineesche drukkerijen lan boekhandelaren. Wonten émpiripoen, saja ngèngeti katah ing pers Tjina. Pers Indonesiers kawon katah lan kawon ageng. Pers Tjina jèn mbengok, katah ingkang wijar èstoe. Katah Journalist Tjina ingkang pers-delict-wonten ingkang-teroes kapeksa kondoor-tanah Tjina-tida’ bolèh kembali. Sampoen lami oegi Tjina njowoewon dateng Regeering, kasamèkna lan bangsa Walandi, Japan oetawi Siameezen: nanging dèrèng tampi wangsoelan ingkang maremaken. Margi kame-nanganipoen kaoem Nationalist ing tanah Tjina, ingkang ladjeng ingkenan ing pradija-pradija sanès, ndadosaken minggahing grading bangsa Tjina. Bab gelijikstelling moentjoel dados rembag malih. Jèn familierecht ing tanah Tjina sampoen kaéwahan tjara Europa (kabaripoen wiwit 1 Jan. 1930). temtoe art. 163 ing Wet op de staatsinrichting tjalon éwah kasamèkaken lan Europa. Pers-Pers ing Indonesia dedreg ngrembag bab poenika, langkoeng² pers Tjina Soer. Handelsblad accoord, lan mastani: logiesch mangké Indonesiers inggih boten sandé angsal gelijikstelling oegi, via Tjina. De Indiesche Post orgaan kaoem Kapitalist katingal deg-degan, ketir², bijas, djalaran koewatos margi wontening gelijikstelling Tjina, mangké boten sandé.... Indonesiers oegi. Ingkang langkoeng ramé malih, prakawis Tjina totok lan pranakan, poenapa Tjina pranakan inggih katoei kasamèkaken, poenapa boten? Tjina pranakan katingalipoen mbingoengi, dèrèng gadah standpunt. Tjibi koela atoei toelada sawatawis mendet rembag-rembag saking pers-pers Tjina persoverzicht Tjina. Tjina pranakan wonten ingkang samar jèn boten toemoet kasamèkaken, wonten malih ingkang mastani: „voor ons heeft de geheele gelijikstelling geen betekenis.” Wonten malih, margi saking koewatosipoen ladjeng badé jasa pakempalan, kanggé njowoewon bab poenika Tjina pranakan badé toemoet patij poendi? Poenapa toemoet dados „Nederlandsche onderdanen” kasamèkaken lan Walandi, gagajoetanipoen lan „militie” ramé malih. Jèn toemoet Walandi, saged kalampahan mangké toemoet perang Walandi mengsah Tjina oetawi Indonesische Nationalisten. Wonten ingkang mastani pranakan mengsah totok, wonten ingkang nerangaken, pranakan njamboet-gawé kanggo ngréwangi Indonesièrs. Tjina pranakan takèn „endi ta tanah-woetah rahkoe?” Tjina oet. Indonesièr? Wangsoelan „endi sing marahi mblendoecking weteng.” Wonten ingkang memoedji poenapa ngadjak voorbereiden ndandosi Indonesièr, kadadosaken tanahing bangsa Indonesièrs i.p. bangsa ingkang sampoen manggèn ing ngriki, tanpa mawang bédanipoen koelit, bangsa, pangkat, sadaja kedah semi (gelijikgesteld). Wonten ingkang koewatos; „jèn Tjina tanpa gelijikstelling, mengko ora woeroeng Indonesiers pada ora tentrem Sin-Po (ingkang perloe koela tjatet) mrajogèkaken dateng Tjina pranakan ngajom regeering Tjina, djer pangajomaning regeering Walandi poenika namoeng sadangoenipoen kradjan Walandi mbawahaken Indonesièr, nanging jèn sampoen boten, Tjina rak kètjalan Nederlandsch onderdaanschap-ipoen, nanging boten Indonesièrschap. Doemoegi samanten kémawon, mindak kepandjang-pandjang, kita rak sampoen saged mastani jèn Tjina pranakan njata dèrèng gadah standpunt, saweg gadah sedyo njantosakaken barisan, toemoet golongan poendi? Inlanders poenapa Hollanders? Kadang kita Nationalisten raji bingoeing ngraosaken bab poenika, sad. journalist „Aller” ing Darmakanda mrajogèkaken prajogi ngatos-atos gegajoetan lan bab poenika, tjalon dados mengsah, poenapa kantjal Bagoes poenika, ingkang ngatos-

ngatos sampoen, madal soembi!

Gegajoetan kalijan gelijikstelling poenika, genah tjalon katah éwah-éwahan, pangadilan Landraad temtoe katah ingkang éwah dados „Raad van Justitie” lan temtoe kémawon katah para Mr. tjalon angsal pakarjan. Belasting Tjina temtoe mindak oegi. Poetraning iboe Indonesia, ingkang waspada, ingkang ngertos ing wadjib, nanging ngatos-atos èstoe, kedah ngambah margi rata lan adil ingkang sajektos.

Hercules.

Blakan-blakanan.

Drodoeg, doeg, doeg, swoeh-rep-duto-pitana: kaparenga koela ngrembag babagan pakempalan ingkang ing wekdal poenika saweg nedeng-nedengipoen dados kabetahan oemoem. Djalaran ing padoenoenang koela taksih wonten sawenèhing para sadèrèk ingkang dèrèng oetawi boten poeroen mangretos tjaranipoen ndjagi saha ngaosi dradjading parepatan, malah maksoedipoen mirengaken lezing kémawon dèrèng mangretos; ènggal mangké koela mentas ngradinaken serat sebaran, dateng para kadang katholiek Djawi perloe ngandar kawontenan sawatawis, kalijan njaroewé tindakipoen sadèrèk ingkang koela manah radi moerang-tata wonten ing parepatan K. W. soepados ing tembé pakempalan kita Katholiek saja mindak-mindak dradjading pandamelipoen. Sadèrèk ingkang ketaman, manawi roemaos atoe koela dora, kirang tarimahipoen kénging oesoel ngawontenaken débat vergadering, koela sagah ngladosi, sok oegi sadaja rembag zakelijk. Ing sarèhning sampoen boten kepirem wonten banèkipoen poenapa-poenapa, koela roemaos bi-ngh. Ewasamanten kebingahan koela waoe kepeksa laroe, margi sadèrèk Dr. ning dédè Doctor ingkang ketaman serat sebaran koela, koela djak wawan ginem wonten madjarian ngakatah boten karsa mangsoeli, malah kepetoek kémawon boten karsa ngangoetaken djanganipoen kados adat. Bab poenika koela boten badé sak serik ing manah, djer sanadjan tjang gediplomeerd manawi kamanoengsanipoen dèrèng minggah satataran, pinten banggi langkoeng, tradjang tandoekipoen inggih asring kedah mekaten. Andèk-poena ngroemaosi soetji wantoen tampi..... Memelas.

Inggikang koela goemoeni, kanti goemoedjeng radi geli poenika, déné Pangarsaning salah satoenggilipoen pakempalan Katholiek, nanging sok radi..... teka kelebet ing babasan; „Keri nora pinetjoet;” pandjenenganipoen wonten sawingking kelir kepareng mampang doeka-doe-ka, badé mboewèkaken koela. Koela boten ngijas, matoer pasadja; mangsi èstoe! Tenèh inggih ladjeng koela tetepaken Radèn toer taksih toes jektok!?

Toetoepping goebahan poenika, koela kantèni poepoedji lair batos, moegi para sadèrèk ingkang sami kadoenoengan pamanggih nalisis saking garising leres poenika, sami kadoenoengana manah ènget, tjotjog kalijan djedjer pagedonganing Katholiek.

Wassalam
H. Dwidjadisastra.

OERAP-SARI.

KABAR KATHOLIEK.

25 taonan Kalibawang

Tanggal 20 Mei '29 poenika kaleres 25 taenipoen baptisan Kalibawang ingkang kawitan. Ingkang ambaptis, swargi Rama van Lith, wonten ing Sendang Sana. Déné ingkang kabaptis, pak Barnabas kalijan kantjanipoen satoenggal.

Gandèng kalijan prakawis nginggil, goewa kaprenah sangingiling Sendang Sana, badé kawangoen ngénta-énta goewa Lourdes. Manawi katjekapan sadajanipoen badé kaanggé saé saèstoe. Sapoenika, goewa sampoen kagarap.

Kabar oemoem.

INDONESIJAH

Poenggawa gemeente Priboemi pikantoeke pènsijoen.

Ing *Javasehe Courant* wonten katarangan saking wethouder Semarang toean J. Schuling, bilih samangké sampoen wonten tetapan oendang, anetepaken para prijantoening gemeente Semarang ingkang dédè bangsa Walandi, badé angsal pènsijoen, samanten oegi randa toewin anak tilaranipoen prijantoen waoe. Salebetipoen taoen 1929 poenika tjalonipoen gemeente ing kita Semarang saged pikantoeke bati resik apes f 311.000.

Ketoprak bangsa Tiong Hwa.

Sedya Tama ngabaraken: bangsa Tiong Hoa ing Klatèn ngadegaken pakempalan ketoprak, kanggé darma manawi wonten ingkang perloe dipoendarmani. Ingkang ambijantoni ada-ada poenika sampoen wonten 40

ONTJÈN SEKAR GAMBIR MELATI.

Koemisi jasanipoen P. P. K. D. ingkang tinanggenah njatitèkaken kawontenan gandèng kalijan kontrakan Dèli, wonten konggrès P. P. K. D. kapengker adamel poepoetoesan asoeraos: „*Pranatanipoen saé, nanging ingkang nindakaken katah ingkang moerang leres.*”

Koela kinten boten namoeng ing dalem djagad onderneming kémawon ingkang wonten kawontenan makaten. Dalah ing salebeting djagadipoen Nagari, inggih boten lepat saking sesakit poenika!

Katjarijos, gandèng kalijan boeteking kawontenan ing djagad kabodidajan, Oud-planter ing Deli-Courant, mahjakaken pamanggih asoeraos:

a. Sebabing pasoeajanipoen koeli kalijan planter poenika ingkang bakoe wonten watak (gehalte)-ipoen mandor toewin hoofdmandoe. Awit, ingkang pinilih angloenggoehi pangkat poenika, kerep sanget koeli kontrak ingkang sampoen kadjoewara anggenipoen wanèn oetawi wantèn, alijas pemberani. Dados boten margi tjakepipoen anindakaken pakarjaning mandor. Margi makaten waoe, kerep sanget poen mandor ladjeng andasamoe. Manawi poen mandor neda bodjo oetawi darbèking koeli, mangka koeltipoen boten ngoeloengaken, poenika koeli waoe sami oegi kalijan andandang sangsara. Djer mandor temtoe badé damel awoning koeli waoe wonten ngadjengipoen assistent onderneming. Ngadat, assistent namoeng anggega kémawon, ladjeng teroes njrengeni, anjirnakaken! Déné poen koeli namoeng kèndel kémawon, adrijh kalijan mandor sakomplotipoen. Mangké manawi wonten dadakan sapélé kémawon, ladjeng anatoni poen assistent, moentabing manah dipoenkatingalaken. Antepipoen: boten badé assistent dipoenréntjangi koeli! Oepami koeli-koeli kantjanipoen poeroena réréntjjang, saged-sagedipoen inggih namoeng woedjoed pamisah! Bédà kalijan manawi mantoeni mandor! poenika ateges poeroen pedjah! Djer mandor makaten, sakoetonipoen katah! wonten ngrika-ngriki!

b. Margi makaten waoe, Oud Planter oesoel soepados: onderne-

ming jasa Opzichter Priboemi wedalan sekolah ingkang pantes, tinanggenah anindakaken pakarjaning assistent ing wekdal poenika! Déné assistent-assistent kawadjabanipoen namoeng niti-priksa, oetawi akèn opzichter. Dados namoeng lalajanan kalijan Opzichter Priboemi waoe. Opzichter waoe kedah dados pangdangèngipoen kaoem berah kalijan ingkang mberahaken.

Makaten prijantoen, rembagipoen Oud-planter!

Het Volk kala taoen 1927 oegi sampoen naté ngewrat pleidooi-nipoen toewan Hamakers ingkang oegi noenggil misah kémawon kalijan pamanggih kaseboet nginggil. Toewan Hamakers poenika anggenipoen sasrawoengan kalijan koeli kaboe-didajan sampoen wonten 35 taen. Sarta pamanggihipoen poenika awawonten practijk.

Kanggé njakèken kawontenan ing onderneming, onderneming kedah ichtjari sagedipoen para koeli remen njamboet-damel. Déné sarananipoen:

1. Épahan katah. (Een ruim loon).
2. (.....)
3. (asoeraos): Assistent - assistent onderneming prajogi tjang Priboemi. Onderneming prajogi jasa sakolahan assistent Priboemi ingkang mbèndjingipoen sarta ing wekdal sekolahipoen pikantoeke bajar katah. (vide: *Koerier* 26 November 1927 kolom „Boek en Blad”).

Assistent oetawi opzichter Priboemi! Koela mateok! Saja manawi ngèngeti daradjading tjang ingkang loemebet koeli kontrak! prakawis poenika saja perloe sanget! Saboten-botenipoen manawi bangsa pijambak ingkang njeratèni, inggih langkoeng saged tinimbang bangsa mantja.

Éwadéné,..... pipiridan ing nginggil poenika ngèngetaken koela, bilih:

a. Mlebet dados koeli saking kadjengipoen pijambak, poenika langkoeng saé sanget tinimbang mlebet kontrak sarana wèrekan.

b. Wontena ing djagad panggesangan poendi kémawon, watak saé poenika temenipoen perloe pijambak!

Pandan Wangi 17 Mei.

Taklim: *Patjar - Merah.*

CORRESPONDENTIE.

F. S. D. — saweg satoenggal.
B. mangoe — mèmèng! noewoen! gentosan roemijin.

C. S. Gandj. — barang sampoen dados, mangké malah ngogèndjengaken poenika! tembé wingking menawi perloe kénging kawedalan.

L. 360 — „Pitakèn” boten badé mbingkas reroebet, malah saged damel gendra, „Djeksa” — poetoesaning djeksa poenika boten kénging kamengsah tjang sanès kedjawi ingkang kénging prakawis pijambak, pameng-sahipoen namoeng sarana appèl, mili kritik namoeng nedahaken kesepoeken kita — Djampi — rembag sanès katah, toer moejeg, mila....

K A T R A N G A N :
390 — koela sarantosaken.
Sad. Dj. Soekardi — inggih.
736 — koela entosi.
786 — inggih.

Sad. Soet. Mag. — goed!
A. J. SISWASOEBRATA, Setabelan Solo, dimas lengganan nomer pinten??

J. O. WARDHANA, pandjenengan lengganan nomer pinten??

V. J. SOEPAMA Magetan. Pantjen kita njowoewon vooruitbetaling. Dados, paring pandjenengan arta, poenika kanggé kwit. I lan II taoen 1929.

M. Soerattaman Ende Flotes! Poenapa pandjenengan taksih kèngetan (kinten-kinten) tanggal pinten anggen pandjenengan ngintoenaken?

won. Saja kanti ndingloek anggen koela boekak topi, jèn ngèngeti wontening P. P. K. D. kasboet nginggil langkoeng roemijin tinimbang moentjoelipoen Prijaji Bond. Prijantoen B. B. pantjen rendet kamadjenganipoen, poenapa...?

Ning, goemoenkoe, djenengé kaé kok niroe P.P.K.D. koe lool! Boten dados poenapa! Saoedara, poenapa-poenapa sapoenika wonten pakempalanipoen, ngagengaken manah èstoe, anggeré....? *Padvinderij.*

Tw. Meyer Ranneft saking Semarang propaganda prakawis Padvinderij dateng Solo kaping kalih; i.p. tg. 29 April manggèn ing „Christelijke Kweekschool” ing Margajoe-dan mawi basa Mladjeng, kaping kalihipoen tg. 2 Mei ing Logegebouw Batangan, mawi basa Walandi.

Pandjenenganipoen Rama H. Koch lan Broeder 2 ndjenengi vergadering waoe. Sadèrèk Katholiek Djawi wonten 3; sanèsipoen Walandi lan Djawi ± wonten 25. Lezing waoe katarangan mawi „lichtbeelden” njarijosaken padvinderebeweging ing sadjadag. Wah, saé sanget. Eman déné namoeng sakedik ingkang ndatengi. Ingkang pantes tjinatet ingriki: „Volkenbond” accoord lan padvinderebeweging. Mangga, sinten karsa ngadani „Katholieke padvinderij?” *Voetbalclub.*

Kanggé ndjagi kasarasan, goeroe² Katholiek ing Solo ngawontenaken

Ngatoeri priksa, nalika dinten Rebolegi soerja kaping 8 Mei 1929 poenika, koela tiyang kekalih ang-sal sihing Goesti, nampi gandingan momongan ingkang kaping 4, medal djaler, koela soekani tetenger:

RADEN JOHANUS BERGMANS
SOEDARMANTA

Koela kekalih:

R. E. KADAR ISMAN.
miwah sémah.

Sinerat ing Soekoredjo (Sélaka-ton), kaping 16 - 5 - 1929.

Nalika tanggal 16 Mei 1929, koela kaparingan momongan èstri, koela namakaken:

R. Rr. ALOYSIA SITI SOEDIATI.

Tijang sepohipoen kekalih:
SOETJIPTA HADI ATMADJA.

Ngatoeri priksa kala tanggal 5 April 1929, koela kekalih kaparingan momongan èstri wiloe-djeng. Koela namakaken:

„CRISTINA HARTATI”

Koela kekalih

TÉDJOSOEKISMO.

PAKOLÈH TOER LOEWESAN
SAÉ TOEWIN AWÈT
INGGIH NAMOENG

MERK GAZELLE

INGKANG AWOEDJOED

ALCYON
DUNLOP
R. I. W.

RIJWIELEN

Nitjil kènging! - Kentjèng soekoer!

GAZELLE HUIS - ROEMAH GIDANG
MALIOBORO - DJOKJA - TELF. 508.

HEEL DE
ARCHIPEL
LEEST

het R. K. Dagblad

De Koerier.

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA.

dengan bawa lembaran
Swara Tama

dapat POTONGAN.

KALAU BELI OBAT - OBAT

DJOKJA

DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO „RATHKAMP” MALIOBORO

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA „RATHKAMP” DJOKJA

tanggoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

Baroe terbit:

PELADJARAN MEMEGANG BOEKOE DAGANG

Karangan GOUVTS ACCOUNTANTDIENST

dikeloearkan oléh:

BALAI POESTAKA - WELTEVREDEN.

Kitab ini baik sekali oentoek peladjaran bagi saudagar - sau-
dagar ketjil. Tjontoh-tjontohnja lengkap dan terang; keterangan-
keterangannja moedah dipahamkan, semoea diambil dari kedja-
dian jang sebenar-benarnja.

Harganja soedah tentoe moerah sebagaimana segala boekoe
keloearan Balai Poestaka, jaftoe f 0,80.

BATJALAH SOERAT BERKALA „SRI POESTAKA”
(1 x seboelan) DAN „PANDJI POESTAKA” (2 x seminggoe).
MINTALAH DAFTAR KITAB-KITAB!

TOKO H. SPIEGEL

MALIOBORO 17
DJOCJA.

MAGAZIJN VAN
LUXE - en HUISHOUDELIJKE
ARTIKELN

KINDERWAGENS - SPORTKARREN
KINDERSPEELGOED

THEESERVIEZEN, 16 deelg f 5,75
GASOLINE - LAMPEN f 12,50

WIDADANING
PRIESTERFONDS

nedahaken bilih kita mangertos dateng
wadjab lan sesanggèn kita pijambak.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa	6.30 - 8.30.	Lamah	5.30 - 6 - 8.	Pekalongan ³⁾	7.30.	Soerabaya:	
Amboina	7.30.	Lawang ⁵⁾	7.	Pemalang ³⁾	7.30.	Kepandjèn	6 - 7 - 9.
Bagan Siapi-api	7.30.	Madjoen	6 - 7.30.	Pemangkat	8.30.	Anita Boul.	6 - 7.30 - 9.
Bandoeng	6 - 7.30 - 9.	Magelang	7 - 9.	Poerwokerto	7.30.	Soerakarta	6 - 7 - 8.30.
Benkoelen	7.30 - 9.	Makassar	6 - 7.30.	Poerworedjo	7 - 8.30.	Tandjoeng Balai	7.30.
Blitar	7.30.	Malang	6 - 7.15 - 8.30.	Pontianak	7 - 8.30.	Tandjoeng Karang	8.
Buitenzorg	6 - 8.	Manado	6 - 7.30.	Probolinggo	7.30.	Tandjoeng Sakti	7.30.
Cheribon	7.30.	Medan	6.30 - 8 - 8.30 (tjina).	Salatiga	7.30.	Tara-Tara	7.30.
Djember	7.30.		9.30 (mal.).	Sambas	6 - 8.30.	Tegal	7.30 - 9.30.
Djokja:		Medari ⁶⁾	7.30.	Sambong	8.	Tering	7.
Kampementstraat	Eur. 7 - 9.	Meester Corn.	7 - 9.	Sawah Loento	7 - 8.30.	Tjilatjap ⁸⁾	7.30.
Kota Baroe	Jav. 6 - 8.	Mendoet	6 - 7.30.	Sedajoe	7.	Tjimahi	6 - 8.
Djombang ¹⁾	6 - 7.30.	Modjokerto	6 - 8.	Sedjiram	5.45 - 8.30.	Tomohon	7 - 8 - 9.
Fort de Kock	7.30.	Moentilan	5 - 6 - 8.	Semarang:		Wates ⁷⁾	7.
Gandjoeran ²⁾	7.	Muntok	8.	Gedangan	7 - 9.	Weltevreden:	
Gombong ³⁾	7.30.	Ngawi ⁷⁾	7.30.	Bangkong	6.30 - 8.	Waterlooplein	5.45 - 7 - 9.
Keboemèn ⁴⁾	7.30.	Padang	7 - 8.15 - 9 (tjina).	Tjandi	7.	Kramat	6 - 8 - 9 (mal.).
Kediri	7.30.	Padang Pandjang	7.30.	Randoesari	7.	Wonosobo ⁸⁾	7.30.
Klatèn	7.30.	Pajakombo	7.30.	Singkawang	6.30 - 9.	Woloan	8.30.
Koeta Radja	6.30 - 8.	Palembang	7 - 9.	Soekaboemi	6 - 7.30.		
		Pasoeroean ¹⁾	7.30.				

¹⁾ 1e. Achad.

²⁾ 1e. + 3e. Achad.

³⁾ 2e. Achad.

⁴⁾ 1e. Achad tiap² doea boelan.

⁵⁾ 1e., 2e., 4e. Achad.

⁶⁾ 2e., 4e. Achad.

⁷⁾ 3e. Achad.

⁸⁾ 4e. Achad.

Voetbalclub. P.f.

Free Pentecostal Conference (Ver-
eeniging Pinksterfeest) jasanipoen
sadèrèk Protestant Solo; sabèn din-
ten Djoemoewah ngawontenaken
kempalan manggèn ing „Pinkster-
huis” Kestallanweg Solo; makaten
swantening Bendee.

P. P. K. D. Ngajodja.

Sadèrèk L. Jadiran martosaken:
Nalika tanggal 12 Mei 1929 wonten
ing speelloods Broederan P. P. K. D.
adamel pepanggihan oemoem, kadje-
nengan sadèrèk ± 150 toewin poe-
tri satoenggal, poenapa malih tamoe
saking Magelang ingkang badé se-
sorah.

Watawis djam setengah 10 éndjing
parepatan kabikak sdr. pangarsa,
sarana ngloehoeraken asma Dalem.
Sadèrèk panitra maos notulen lan
noenten kaabsahaken. Pangarsa nga-
bari bilih sdr. Oetaja taksih teroes
dados secretaris ingkang ngawontenaken
P. P. K. D., toewin sadèrèk Jama taksih
teroes ngasta redactie Swara Katho-
liek; salebetipoen njamboet-damel
poenika sdr. Oetaja saged njinaoe
pendamelaning redacteur, déné em-
bèn wingking manawi sampoen pa-
ham, pandamelan badé gentosan.

Sad. Harjadi ladjeng sesorah. (Ka-
atoeran miksani ngadjeng. Red.).
Satelasing sesorah, wonten sadè-
rèk ingkang sami miterang warni-
warni, gegandèngan kalijan hak we-
wenang; sadaja pitakènan waoe
sampoen sami roemaos marem, mi-
reng wangsoelanipoen sad. pamedar
sabda.

Sasampoenipoen poenika ladjeng
ngrembag serat saking Hoofdbestuur:
a. weduwenfonds lan wezenfonds
taksih dipoenpanggalih.

b. tjabang P. P. K. D. Ngajodja
milih Federatie.

Wonten sdr. pitakènan bab paos
sirah, para goeroe missie kedah
ambajar poenapa boten?

Sarèhning bab poenika pangrèh dè-

rèng damang, badé kaoeroes roemijin.

Wonten voorstel soepados woe-
tjalaran debatingclub kapatjaka ing
Centraal Katholiek, soepados sada-
ja sadèrèk sageda soemierrep.

Wangsoelan. Manawi kadamel
tjekak sanget inggih saged, awit
papanipoen aot. Wondéné manawi
ketjekaken malah saja boten terang,
adamel tjoewa. Pramila prajogi ka-
patjak ing Swara Tama.

Wasana sdr. Pangarsa matoer noe-
woen dateng sdr. Harjadi, déné
sampoen paring sesorah semanten
pandjagipoen, ingkang adamel ma-
reming manah kita sadaja, poenapa
déné saged amadangkaken manah ing-
kang roemaos taksih wonten pepe-
teng.

Boten langkoeng ngatoeraken soe-
geng koendoer. Watawis djam 1 pa-
repatan katoetoe mawi ngloehoer-
aken asma Dalem.

Afscheidfeest R. K. Mulo Djokja.

Sadèrèk S. Egbertus martosaken:
Kala dinten Djoemoewah 17 Mei
'29 sonten ing speelloods Broede-
ran Ngajodja dipoenwontenaken pa-
hargjan; inggih poenika pakempa-
lanipoen para moerid Mulo ing
Kidoellodji (Ngajodja). Déné per-
loenipoen pakempalan poenika na-
moeng sepélé kémawon. Inggih
poenika laré klas III ingkang sam-
poen koersoes, sami njoewoen pa-
mit saha pangestoe dateng padoe-
ka Directeur ing Mulo saha dateng
para Broeders ing Mulo sanèsipoen;
kadjawi poenika oegi pamiit dateng
para kadang mitra ingkang taksih
sami wonten ing R. K. Mulo sadaja.
Déné ingkang rawoeh kirang lang-
koeng wonten tjang 80, inggih
poenika padoeoka Broeder Overste
saha broeders Mulo sanèsipoen 4,
padoeoka rama Van Driessche, dalah
rama Hagdorn, mijnheer Johannes
lan mijnheer Soedana, lan para
moerid moerid Mulo mèh sadaja.

1. Djam 7 pakempalan kabikak

déneng sadèrèk Fr. Soewardi. Saha
matoer noewoen dateng para Broe-
ders, Pastoor dateng para goeroe
toewin sanèsipoen ingkang toemoet
ngrekaos ngwontenaken pahargjan
poenika.

Bibar poenika ladjeng kasambet
toespraak déning sadèrèk Toekidja
ing klas III, ladjeng sadèrèk Soe-
warna ing klas II, ladjeng sadèrèk
Doelahn ing klas I, ladjeng sadèrèk
Prantjia ing klas das. Woosana la-
djeng padoeoka Broeder Overste.
Wahl pandjenenganipoen rena sa-
nget, déné moeridipoen sampoen sa-
mi kendel-kendel, gineman wonten
ing ngadjengipoen tjang katah.

2. Spreekgelegenheid v.d. uitgenoo-
digden. Inggih voordracht inggih
poenika mijnheer Soedana kalijan
mijnheer Johannes.

3. Zang v.d. voorklas.

4. Pauze — koffiehag — taartjes
en strooftjes.

5. Tembang 2de en 3de klas.
(samenspraak).

6. Kunstfietsen.

7. Kluchtspel.

8. Pentak nganggé muziek.

9. Toespraak v. padoeoka van
Driessche.

10. Pauze — soep — souper —
thee — Magcillavry.

11. Kluchtspel.

12. Sluifing (djam 1 1/2).

MANTJA NEGARI.

NEDERLAND.

Internationale Arbeidsconferentie.

Internationale Arbeidsconferentie
ingkang kaping kalih-welas, mang-
gèn ing Geneve, bédjing 30 Mei.
Wakil-wakil saking talatah Neder-
land, kados ing ngandap poenika:
a. Dr. W. H. Nolsen. Minister van
Staat, voorzitter Hoogen Raad van
Arbeid, voorzitter van Mijnraad; da-
dos wawakilipoen Paréntah Neder-
land, ngiras mangarsani oetoesan.

b. Mr. J. J. Schrieke, tilas wakili-
poen Paréntah bagawan oemoem
wonten Raad Kawoela, dados wa-
kilipoen Paréntah Nederland.

c. Mr. L. F. H. Regout, pangar-
saning Organisatie van Industriele
Werkgevers afd. Nederland, direk-
toering pabrik porselin „Mosa” sarta
pabrik gelas „Stella” ing Maastricht;
dados wawakilipoen kaoem ambe-
rahaken ing Nederland.

d. E. Kupers, pangarsa Neder-
landsche Verbond van Vakvereeni-
gingen; dados wawakilipoen kaoem
berah Nederland.

e. Inggih dados djoeroe remba-
gipoen oetoesan pradia Nederland
bagawan techniek.

1. R.A.A.A. Djajadiningrat, tilas
Regent Betawi, sapoenika lid Col-
lege van Gedelegeerden v.d. Volks-
raad.

2. W. H. M. de Fremery, hoofd-
inspecteur havenarbeid Amsterdam;

3. Dr. B. J. Hage, hoofdambe-
naar afd. oeroesan bestuur sadjawi-
ning tanah Djawi ing Departement
B. B.

4. H. J. Scholte, hoofdinspecteur
van Arbeid kabijantokaken direc-
teur-generaal van Arbeid.

5. Meijuff. Mr. G. J. Stenberg, re-
ferendaris depart. v. Arbeid, ngiras
dados panitrang oetoesan.

f. Djoeroe rembagipoen oetoesan
kaoem amberahaken:

1. Mr. H. J. Bool, secretaris Ta-
bakbureau Amsterdam.

2. Mr. P. W. J. H. Cort van der
Linden, secretaris Intern. Organisatie
van Industriele Werkgevers afd.
Nederland; alg. secretarisipoen Ver-
bond van Nederlandsche Werkge-
vers; oegi kabijantokaken dados
warganipoen Raad van Beheer v.h.
Intern. Arbeidsbureau.

3. Prof. Mr. G. J. Nolst Trenite
tilas param-para Dep. B.B. babagan
oeroesan siti; oegi bijzonder hoo-
leeraar wonten Universiteitipoen Na-

gari, ing Utrecht.

4. S. M. D. Valstar, voorzitter pa-
kempalan lalajaran „Noord,” sarta
direktoering Koninklijke Nederl.
Stoomboot-maatschappij ing Am-
sterdam.

g. Djoeroe rembagipoen oetoesan
kaoem berah:

1. H. B. Berghuys, secretarisipoen
Alg. Nederl. Vakverbond.

2. J. Nauta, moeda-panitra-nipoen
Christelijk Nationaal Vakverbond,
sarta penningmeesteripoen Interna-
tionaal Verbond van Christelijke
Bedienden Organisaties.

3. Hadji Agoes Salim, moeda-
pangarsa Partij Sarikat Islam Indo-
nesia ing Weltevreden.

4. P. J. S. Serrarens, warga pa-
nggrèhipoen R. K. Werkliedenver-
bond, sarta secretarisipoen Intern.
Christelijk Vakverbond.

INGGRIS.

Katjarijos manoe Reuter 2 Mei,
ing Inggris kekirangan djawah. Pa-
nenipoen ing Baritanijah kasép
ngantos kalih-tengah woelan. Sen-
dang-sandang asat. Ngahadiipoen ing
Grédja-Grédja padoesoenan sami
badé sembahjang moemoedja soepa-
dos kaparingan djawah, enz.

(Gandèng kalijan moemoedja won-
ten Grédja anjoewoen djawah, Se-
dya-Tama, koran ing Ngajodja,
tjarijos makaten: „Ing ngriki won-
ten sakedik ingkang perloe koela
rembag, i.p. anggenipoen tetijang
sami noenoeuwen dateng Inggih
Moeribèng djagad soepados katoe-
roenan hawa bentèr awit saking
kirangipoen toja, lan saking asrepi-
poen hawa. Manawi nitik
goegon-toehonipoen ka-
woela oemoem ing ngriki
taksih kados makaten wa-
oe, kados kok inggih dè-
rèng langkoeng bablas
tinimbang para sadèrèk
ing Indonesijah.”
Badé kasambet.